

Javanese - Prajurit Kitab Suci - Soldiers Scriptures

Éfesus 6:10-18

- 10 Wasana, padha dadia santosa ana ing patunggilané Gusti, lan ing kakiyatuning pangwaosé.**
- 11 Padha nggawaa gegamané peranging Yehuwah, supaya kowé bisa nglawan kajuligané Iblis;**
- 12 awit anggon kita perang iku ora nglawan daging lan getih, nanging para pamaréntah, para pangwasa, para panggedhéning jagat kang peteng iki, para roh ala kang ana ing langit.**
- 13 Mulané padha nggawaa sakèhing praboté peranging Yehuwah, supaya kowé bisa nindakaké panglawan ing tekané dina kang ala iku lan tetep ngadeg jejeg, sawusé kowé ngrampungaké iku kabèh.**
- 14 Mulané padha ngadega kang jejeg, pinggangmu sabukana ing kayektèn lan nganggoa kotang-waja arupa kaadilan,**
- 15 sikilmu nganggoa trumpahing suka-lila tumrap pangundhanging Injilé tentrem-rahayu;**
- 16 ing kaanan apa baé padha nganggoa pangandel minangka tamèng, sabab iya tamèng kang kaya mangkono iku kang kena kokanggo nangkis sakèhing panah geni saka si pangawak dursila,**
- 17 karomanèh padha nampanana tetopong karahayon lan pedhang Roh, yaiku sabdaning Yehuwah,**
- 18 kanthi sakèhing pandonga lan panyuwunmu, padha tansah ndedongaa ana ing patunggilaning Roh, sarta padha meléka ing sajroné pandongamu iku kanthi panyuwun kang tanpa kendhat kanggo para suci kabèh;**

Masmur 91:1-16

- 1 Wong kang dumunung ana ing pangaubane Kang Mahaluhur lan nginep ing pangayomane Kang Mahakuwasa,**
- 2 iku bakal nyebut marang Yehuwah mangkene: “Pangungsen saha beteng kawula, Gusti Yehuwah kawula ingkang kawula andelaken.”**
- 3 Sanyata Panjenengane iku kang bakal nguwalake kowe saka ing jirete juru pikat, lan saka pageblug kang mbilaeni.**
- 4 kowe bakal dikemuli kalawan elare, bakal diayomi ing sangisoring siwiwine, kasetyane iku minangka tameng lan pager tembok.**

- 5 Kewe ora usah wedi marang pagiris ing wayah bengi, marang panah kang lumepees ing wayah awan,**
- 6 marang pageblug kang lumaku ana ing pepeteng, tuwin marang lelara pes kang ngamuk ing wayah sore.**
- 7 Sanadyan ing sandhingmu ana wong kang ambruk sewu, sarta sepuluh ewu ana ing tengenmu, ewadene kowe dhewe ora bakal ketaman;**
- 8 iku mung koksawang kalawan mripatmu dhewe bae, lan ndeleng piwales marang para wong duraka.**
- 9 Amarga Pangeran Yehuwah iku dadi pangayomanmu, Kang Mahaluhur iku wus kokdadekake pangaubanmu,**
- 10 Kewe ora bakal katempuh ing bilai, sarta ora ana wewelak kang nyedhaki tarubmu;**
- 11 awit Pangeran bakal ndhawuhi para malaekate ing ngatase kowe, supaya rumeksa marang kowe ana ing sakehing dalammu.**
- 12 Kewe bakal ditadhahi ing tangane, supaya kowe aja nganti kesandhung ing watu.**
- 13 Singa lan ula bedhudhak bakal padha koklangkahi, singa nom lan ula naga bakal kokidak-idak.**
- 14 “Sanyata, sarehne rumaket marang Ingsun, mulane bakal Sunluwari, bakal Sunpageri santosa awit wanuh marang asmaningSun.**
- 15 Yen sesambat marang Ingsun bakal Sunsembadani, ing sajroning karubedan bakal Sunkanthi, bakal Sunentasake lan Sunluhurake,**
- 16 bakal Sunwaregi kalawan umur dawa, lan karahayoningSun bakal Suntedahake marang dheweke.”**

Masmur 18:1-51

- 1 Kanggo lurah pasindhen. Masmur anggitane abdine Sang Yehuwah, yaitu Prabu Dawud kang ngunjukake wirasane kidung iki marang Sang Yehuwah, nalika wus kaluwaran dening Sang Yehuwah saka ing cengkeremaning sakehing mungsuhe lan saka ing astane Sang Prabu Saul.**
- 2 Unjuke mangkene: “Kawula tresna dhumateng Paduka, dhuh Yehuwah ingkang dados karosan kawula!**
- 3 Dhuh Yehuwah, peparang kawula, beteng kawula saha ingkang ngluwari kawula, Yehuwah kawula ingkang dados peparang pangauban kawula, tetameng kawula, singating karahayon kawula, kitha beteng kawula!**
- 4 Pinujia Pangeran Yehuwah: mangkono unjukku kalawan sora; temah aku diuwalake saka ing mungsuhaniku.**

- 5 Aku tinalikung ing tetalining pati, sarta tinempuh ing banjiring karusakan.**
- 6 Aku digubed ing jireting teleng palimengan, kalajireting pati ngadhang-adhangi aku.**
- 7 Sajroning karubedanku aku nyebut marang Sang Yehuwah; sarta sesambat marang Yehuwahku nyuwun tulung. Panjenengane tumuli miyarsakake swaraku saka ing kedhatone, sarta pasambatku nyuwun tulung tumeka ing talingane.**
- 8 Ing kono bumi banjur horeg gonjang-ganjing, sarta dhasar-dhasaring gunung padha horeg lan gumeter, amarga saka mulad-mulading bebendune.**
- 9 Kukus kumelun saka ing granane, saka ing tutuke medal geni kang memangsa, mawa mengangah metu saka ing Panjenengane.**
- 10 Langit ditiyungake, nuli tumedhak, mendhung nggameng ana ing sangisoring sampeyan.**
- 11 Panjenengane nitih Kerub, banjur mabur lan nglayang ana ing swiwining angin.**
- 12 Pepeteng ing sakubenge kadadekake pasingidane, kang dadi tarube: yaiku udah kang peteng lan mendhung kang kandel.**
- 13 Marga saka cahya kang sumunar ing ngarsane mendhunge padha ilang bareng karo udan es lan mawa mengangah.**
- 14 Sang Yehuwah banjur gumludhug ana ing langit, Kang Mahaluhur ngulukake swarane.**
- 15 Jemparing-jemparinge dilepasake temah mungsuhe padha buyar, nlorongake bledheg, satrune padha bingung.**
- 16 Dhasar-dhasaripun seganten lajeng sami katingal, saha tetalesing jagad sami kaungkaban amargi saking bebendu Paduka, dhuh Yehuwah, saha margi saking bantering abab saking grana Paduka.**
- 17 Panjenengane tumuli mulung astane saka ing ngaluhur, aku banjur diasta, lan kaentasake saka ing banjir.**
- 18 Aku kauwalake saka ingmungsuhan kang rosa lan saka ing wong-wong kang padha sengit marang aku, amarga iku kakuwatane ngungkuli aku.**
- 19 Iku wus padha nyegat aku ing nalikane aku lagi kacilakan, nanging Sang Yehuwah dadi pikukuhku;**
- 20 Panjenengane nuntun aku metu menyang ing papan kang omber, aku diluwari amarga karenan marang aku.**
- 21 Sang Yehuwah males aku miturut ing kabeneranku, ngganjar aku miturut karesikaning tanganku,**
- 22 amarga aku ngantepi anggonku ngambah ing margining Sang Yehuwah,**

- Ian aku ora tumindak duraka marang Yehuwahku.**
- 23 Awit aku nggatekake sakehing angger-anggere Ian pranatane ora daklirwakake,**
- 24 saparipolahku tanpa cacad ana ing ngarsane, Ian aku tansah ngedohi kaluputan.**
- 25 Mulane aku diwales Sang Yehuwah miturut kabeneranku, iya miturut ing resiking tanganku ana ing ngarsane paningale.**
- 26 Tumrap tiyang ingkang setya Paduka ugi tumindak setya, tumrap tiyang ingkang tanpa cacad Paduka ugi tumindak tanpa cacad.**
- 27 Tumrap tiyang ingkang suci, Paduka inggih tumindak suci, nanging tumraping tiyang para-cidra Paduka inggih tumindak mbulat-mbullet.**
- 28 Amargi bangsa ingkang katindhes Paduka pitulungi, nanging mripat ingkang kumingsun Paduka soraken.**
- 29 Jer Paduka ingkang damel murubing dilah kawula; Sang Yehuwah Yehuwah kawula ingkang madhangaken pepeteng kawula.**
- 30 Amargi kaliyan Paduka kawula wantun nanggulangi grombolan, kaliyan Yehuwah kawula, kawula wantun nglumpati balowarti.**
- 31 Anadene Gusti Yehuwah iku margine sampurna; kasagahane Sang Yehuwah iku murni; Gusti Yehuwah dadi tetameng tumrap sakehing wong kang ngayom marang Panjenengane.**
- 32 Amarga sapa ta kang jumeneng Yehuwah aliya Sang Yehuwah, Ian sapa kang dadi peparang kejaba Gusti Yehuwah kita?**
- 33 Gusti Yehuwah, iya Panjenengane iku kang nyabuki aku kalawan karosan, kang ngratakake dalanku;**
- 34 kang ndadekake sikilku kaya sikiling menjangan Ian ngadegake aku ana ing pagunungan;**
- 35 kang mulang perang tanganku, nganti lengenku bisa menthang gandhewa tembaga.**
- 36 Paduka maringi tetamenging karahayon dhateng kawula, asta tengen Paduka nyanggi kawula, sih-palimirma Paduka damel luhur kawula.**
- 37 Paduka maringi papan ingkang omber dhumateng jangkah kawula, temah polok kawula boten ngantos kesliyo.**
- 38 Mengsaheh kawula sami kawula oyak, ngantos kecepeng, sarta kawula boten wangsl-wangsul saderengipun tumpes sadaya;**
- 39 inggih sami kawula gebag ngantos boten saged tangi malih, sami ambruk wonten ing sangandhipipun tlapakan kawula.**
- 40 Kawula sampun Paduka sabuki klayan karosan tumrap ing perang; ingkang sami nglawan kawula punika sampun Paduka telukaken wonten**

ing sangandhaping pangwaos kawula.

- 41 Mengsa kawula sampun Paduka damel sami keplajeng saking ngajeng kawula, sarta para tiyang ingkang sami sengit dhumateng kawula sami kawula tumpes.**
- 42 Sami sesambat nedha tulung, nanging boten wonten ingkang mitulungi sami sesambat dhumateng Sang Yehuwah, nanging boten kaparingan wangulan.**
- 43 Sami kawula ejur-ejur ngantos lembat kados lebu ingkang kabur ing angin, kawula bucal kados blethok ing margi.**
- 44 Paduka sampun nguwalaken kawula saking bebantahaning rakyat; kawula Paduka angkat dados pengagenging para bangsa; bangsa ingkang boten tepang kaliyan kawula punika sami ngabdi dhateng kawula;**
- 45 kupingipun saweg mireng kawula kemawon, lajeng sami mbangun miturut dhumateng kawula; tiyang ngamanca sami sujud lan ngrampek-ngrampek dhateng kawula.**
- 46 Tiyang-tiyang ngamanca sami nglumpruk tanpa bayu, sarta sami medal nilar beteng-betengipun klayan gumeter.**
- 47 Sang Yehuwah gesang! Pinujia peparangku, linuhurna Gusti Yehuwah, Juru Slametku.**
- 48 Gusti Yehuwah kang malesake aku, lan wus nelukake para bangsa marang sangisoring pangwasaku,**
- 49 kang wus ngluwari aku saka mungsuhku. Paduka malah sampun ngluhuraken kawula ngungkuli para tiyang ingkang nglawan kawula; kawula Paduka luwari saking tiyang ingkang ambek siya.**
- 50 Pramila dhuh Yehuwah, kawula badhe ngidungaken pamuji sokur wonten ing antawisipun para bangsa, asma Paduka badhe kawula luhuraken kanthi kidung masmur.**
- 51 Panjenengane ngganjar kaslametan kang linuwih marang raja kang kajumenengake, lan paring sih-rahmat marang kang dijebadi, yaiku marang Prabu Dawud lan satedhak-turune nganti ing salawase.”**